

# 1 TIMOTI

## Pepa Paulo ñgere munja pa Timoti

*Timoti nde tamâta limoa tonje munja iyoka kuku Paulo itula pâri ara panzi tamâta lâ lawea pinde (Pâri Tamâta 16:1-5). Nineŋa ilâ imo Efesus lawea ikai poe panzi kalo-tawana tamâta ŋgu simo ŋinde, aku itula Maro Kindeni kawa ŋgua panzi. Paulo ku Timoti rua simo nambwe nambwe sondo, kala Paulo ñgere ŋgua ñine ŋana ipu tini kaika papa wa ipanana i ŋana ikatonanzi ŋgu wa. Ipai Timoti tu ma ipakatona sondo ŋananzi pananâŋa tamâta laŋeŋa, aku itula ŋgua papa ŋana tamâta mana ikura tu imo katonâŋa panzi Maro Kindeni ne ŋgu.*

<sup>1</sup> Naŋa Paulo, Yesu Kirisi ne pâri-tamâta naŋa. Nenda Yautâŋa Tamwata Maro Kindeni, aŋga Yesu Kirisi, ina tamâta ŋinde kinda uru tao tininda papa, kinzi rua munja sipatea naŋa, kala apâŋga amo pâri-tamâta.

<sup>2</sup> Naŋa aŋgere ŋgua lâ pepa ñine tini imâ pa noko Timoti. Kinda rua kalonda tawana Yesu, aku ŋana nenda kalo-tawana ñine kâ, ande noko kumo kutogo naŋa natuŋgu mao. Tamânda Maro Kindeni ŋga nenda Maro Njalae Yesu Kirisi rua nenzi wisi-wisi wa kalo-sukâŋa wa wisi-pisi wa imo kuno.

*Ara ŋana kinda ma talelea ŋgua laŋeŋa rârâni*

<sup>3</sup> Njine naŋa atu aporo ŋgua kaŋa taituni pa noko kilo, itogo aporo pano muŋga, lâ zo ŋinde naŋa alâ pa Masedonia tâno. Naŋa ilongu tu noko ma kumo ndainani nâ lâ Efesus lawea, aku kutula ŋgua kaika panzi tamâta pinde ŋana sipile nenzi mâsi ŋana siporo ŋgua laŋeŋa kâ, lâ zo ŋana sipanananzi tamâta ŋana Maro Kindeni ne ŋgua kâ.

<sup>4</sup> Aku kuporo ŋgua kaika panzi tu ma sipile nenzi mâsi ŋana sitapâri timbunzi nenzi usi kaa nâ, aku sipile nenzi mâsi ŋana siveta ŋgua kiekie rârâ siporo ŋana timbunzi ŋanzi kâ. Ngua kaŋa mine uru iveta ŋgua nâna ipâŋga, aku ŋinde ikura ŋana isuka nenda kalo-tawana ŋana tasama Maro Kindeni ne ilo-kalo ara kâ, ande tia.

<sup>5</sup> Ambo tamâta ŋinde ma sipile nenzi mâsi potomule ŋinde, ande nenzi kalo-tawana ma keno mao pa Yesu Kirisi, aku ma simo ilonzi mbâra-mbâra lâ Maro Kindeni nao, aku ma sipasama tu nenzi soki tonje keno tia. Njineŋga kinzi ma sio nenzi tini-mwasa ilâ panzi kalo-tawana tamâta.

<sup>6</sup> Tamâta pinde sipile kalo-tawana mao ne vetâŋa ara ŋinde, kala njine kinzi siporo ŋgua kaa kaa mine.

<sup>7</sup> Kinzi ilonzi tu sipanananzi tamâta pinde ŋana Maro Kindeni ne ŋgua tukuŋa kâ, aku ilonzi keno tu nenzi ŋgua ndoni nde mao nâ. Kinzi uru situla ŋgua kaika, andeta warakanzi sizizâla ŋana nenzi ŋgua ŋinde ne duvi.

<sup>8</sup> Kinda tasama tu Mose ne ŋgua tukuŋa nde ara ndo. Taitu kinda ma kalonda ŋgere sondo ŋana tukuŋa ŋinde ne duvi kâ.

<sup>9</sup> Kinda tasama tu ŋgua tukuŋa ne wurâta ŋandai ŋana itula nzâla panzi tamâta arara ŋga. Ŋgua tukuŋa ne wurâta nde ŋana itula nzâla panzi tamâta ŋinde uru sipu ŋgua tukuŋa ututu ku siveta taŋa-kaika ne vetâŋa. Kinzi sipu mulinzi pa Maro Kindeni ku siveta vetâŋa potomule nâ. Kinzi simege ŋana Maro Kindeni ku siveta mâsi ara pinde, ande tia. Kinzi uru siveta mâsi sakamao pinde mine: kinzi sipunzi tinanzi tamanzi pâta simâte, aku sipunzi tamâta pinde pâta simâte tona;

<sup>10</sup> kinzi tamâne sipalulua tininzi ilâ potomule panzi taine pinde, aku sipalulua warakanzi tininzi mine nâ kunzi nawalanzi tamâne tona; kinzi sipanawenzi tamâta pinde ku sivetanzi sikai wurâta kaa nâ; aku siporo ŋgua laŋeŋa wa siveta ŋgua pâŋa kaa nâ wa. Mao nâ, ŋgua tukuŋa ne wurâta nde ŋana itula nzâla panzi tamâta ea uru siveta mâsi potomule ndia ŋandai ipakura kuku ilo-kalo ara.

<sup>11</sup> Andeta Maro Kindeni ne ilo-kalo ara ikeno pâri ara tini, pâri ara ŋinde i muŋga itula pa naŋa kala uru aporo atula pwataki. Pâri ara ŋinde itula Maro Kindeni kilala pwataki tu i nde Ara Tamwata, aku nenda paneâŋa ilâ pa i nâ.

*Paulo kawa ndaŋge pa Maro Kindeni, ŋana tu i kalo sukâŋa ŋana i kê*

<sup>12</sup> Muŋga, nenda Maro Yesu Kirisi imora naŋa tu naŋa akura ŋana aveta wurâta papa i kê. Mine kala i ne walo ilua naŋa lâ ŋana atula i kawa ŋgua kê. Ipateana ŋana aveta i ne wurâta

ņine kâ. Mine kala naņa kawâņgu ndaņge papa i.

<sup>13</sup> Mao nâ, muņga naņa aporo ņgua pavaligiņa papa i, aku aveta keņgu sakamao panzi i ne tamâta apunzi tona. Andeta isama tu naņa azizâla ņana i kâ, aku ņandai kalonĝu tawana i ņga, kala aveta vetâņa ņinde. Mine kala i kalo sukâņa ņanana.

<sup>14</sup> Aku nenda Maro ņalae ne wisi-wisi ņalae nde imâ ndo pa naņa lâ, aku igagati ilonĝu kalonĝu ņana ao nanenĝu kalo-tawana ilâ papa i nâ. Aku i ne wisi-wisi ņinde igagatina ņana tiningu mwasa panzi kalo-tawana tamâta tona. Kalo-tawana wa tini-mwasa kie mine uru ikeno pa kinda tamâta rârâni ņine tapaipa kuku Yesu Kiriŝi.

<sup>15</sup> Yesu Kiriŝi indue imâ tâno kulu ņana iyautenzi kiesaka tamwatanzi piti lâ kondoma ilo. ņgua ņinde nde mao kanaņo, aku ara ņana tamâta rârâni ma siloņo ku kalonzi tawana. Aku naņa warakâņgu muņga aveta kiesaka ņalae ndo, kala amo atogo kiesaka tamwatâņgu mine, apolenzi tamâta rârâni ņana aveta kiesaka kâ.

<sup>16</sup> Mao nâ, naņa apolenzi tamâta rârâni ņana aveta kiesaka kâ. Andeta Maro Kindeni kalo sukâņa ņanana, ņana tu itu itula pwataki panzi tamâta ma sipâņa muli-muli ņinde tu Yesu Kiriŝi nao mwasa ndo panzi kiesaka tamwatanzi. Aku tamâta ma sipâņa muli-muli ņinde ma simora Yesu ne vetâņa ņinde, kala ma kalonzi tawana i, ku ma sikai via ņana simo ara mine ku simo nâ.

<sup>17</sup> I imo Koipu ņalae ikura zo zo ku imo nâ. I

ma nao tia, ande tia ndo. Aku kinda tâno tamâta takura tu matânda tamora i kê, ande tia. Maro Kindeni simbo nâ nde Maro Mao. Mine kala zo rârâni kinda ma tapanea i tasuka ña kêki. Mao.

*Paulo itu ñgua pa Timoti tu ma ipara kaika ñana ipu vetâña sakamao ndue*

<sup>18</sup> Timoti, naña natungu noko, naña ao nanenngu ñgua ñine imâ pano. Kinzi ñgua-tulâña tamâta pinde muña situla ñgua pwataki ñana noko kê, aku nanenngu ñgua ñine nde iyoke nenzi ñgua ñinde. Ambo noko ma kalo ñgere ñana ñgua ñinde kê, ande ñinde ma ipu tini kaika pano lâ zo ndia noko kupara kaika ñana kupu vetâña sakamao ndue kê.

<sup>19</sup> Ara ñana noko ma kalo tawana Yesu kaika lâ paraña ñinde ilo, aku kupasama sondo lâ tamwata ilo kalo tu noko ne soki tonje tia lâ Maro Kindeni nao. Maro Kindeni uru itu ñgua kaika lâ tamâta ilonzi tu ma sipile nenzi vetâña soki, andeta kinzi pinde tininzi pwâka tu sipile nenzi vetâña ñinde. Mine kala nenzi kalo-tawana nde imbe ndo lâ, itogo wâña ikâki pitiku kulu ku ipwa pwataki mine.

<sup>20</sup> Tamâta rua, Himeneus ku Arisande rua, muña siveta mine, kala naña aonzi rua silâ pa Sadana mbau ilo, ñana ma kalonzi ñgere sondo ku sipile nenzi mâsi ñana siporo ñgua pavaliginja pa Maro Kindeni kê.

## 2

*Ara ñana kinda ma tano pa Maro Kindeni tu iveta kie ara panzi tamâta rârâni*

<sup>1</sup> Naŋa ilonŋu tu noko ma kuveta vetâŋa ñine muŋga lâ ŋga; kupanananzi kalo-tawana tamâta tu ma kawanzi ndaŋge pa Maro Kindeni ñana tininzi pinde rârâni, ku sino kaika pa i tu ma iveta kie ara panzi.

<sup>2</sup> Ara ñana kindi ma takai noŋa kaika pa i tu ma iveta kie ara panzi koipu ñalaŋala wa kinzi tamâta mbâna-mbâna wa. Ambo i ma iveta mine, ande kindi rârâni ma tamo ara, aku ma tamo tava wisinda pisi nâ. Njineŋga kindi ma taponi muli pa vetâŋa ara rârâni Maro Kindeni ilo papa ñinde, aku ma taveta vetâŋa ara nâ lâ i nao.

<sup>3</sup> Noŋa kie mine nde ara ndo lâ nenda Yautâŋa Tamwata Maro Kindeni nao. Mao nâ, i tini mwasa ndo ñana noŋa kie mine.

<sup>4</sup> I ilo tu iyautenzi tamâta rârâni piti lâ kondoma ilo, aku i ilo tu kinzi ma sisama ŋgua mao duvi tona.

<sup>5</sup> Kindi tasama tu Maro Kindeni simbo nâ nde Maro mao. Aku tasama tu tamâta taitu nâ imandi kindi tamâta ŋga Maro Kindeni ŋgininda ñana ilulu Maro Kindeni ne wisi-nâna kâ, aku tamâta ñinde nde Yesu Kirisi tamwata.

<sup>6</sup> Maro Kindeni muŋga ipatea zo pa Yesu Kirisi, aku lâ zoni ndaina nâ, ande Yesu ipile tamwata ne via ku imâte ñana ikonzi tamâta rârâni piti lâ kondoma ilo. Aku vetâŋa ñinde itula Maro Kindeni kilala pwataki pa kindi.

<sup>7</sup> Maro Kindeni ipatea naŋa tu amo i ne pâri-tamâta, aku wurâta ilana ñana atula i kawa ŋgua ñinde pwataki. Naŋa aporo mao, alâŋe tia. I wurâta ilua naŋa ñana apanananzi tamâta lâ tinikoa ŋgu, ñana nenzi kalo-tawana ma ilâ mao

pa Yesu Kirisi.

<sup>8</sup> Mine kala naŋa ilonŋu tu kinzi tamâne simo nia ndoni ma sisuka mbaunzi kâki ku sikai noŋa. Naŋa ilonŋu tu kinzi ma sio ilonzi ndo ilâ pa Maro Kindeni, aku ma sipile mâsi ŋana wisinzi nâna wa sipambita wa.

*Mâsi ŋana siveta vetâŋa ara kâ ande itogo taine nenzi siŋgâra mao*

<sup>9</sup> Aku naŋa ilonŋu tu kinzi taine ma sisawa pasawaŋa wa sipita lalava sondo, ŋana itula pwataki tu kinzi sipatawa warakanzi tininzi. Naŋa tiningu pwâka tu kinzi ma sipalaki kulunzi ku sisinŋa kulunzi pwau ŋga tininzi lâ kelekele kulu ŋalae koŋa, itogo mbote-mbote arara wa mira “gol” wa.

<sup>10</sup> Ambo taine ilonzi tu sipono muli pa Maro Kindeni ku sipanea i, ande ara ŋana kinzi ma siveta vetâŋa ara nâ panzi tamâta. Aku nenzi vetâŋa arara ŋinde ma keno itogo nenzi siŋgâra ara mwasina.

<sup>11</sup> Naŋa ilonŋu tu kinzi taine ma sipatawa warakanzi tininzi ku sisae kawanzi, aku sipanâna nâ ŋana Maro Kindeni ne ŋgua kâ.

<sup>12</sup> Naŋa uru asâu panzi taine ŋana sikai poe panzi tamâne ku sipanananzi ŋana Maro Kindeni ne ŋgua kâ, ande tia. Ara ŋana kinzi taine ma kawanzi buu ku sipalono pa ŋgua nâ.

<sup>13</sup> Ŋana tu Maro Kindeni iveta tamâne Adam muŋga lâ, ŋinenŋa iveta taine Eva muli.

<sup>14</sup> Aku Adam ŋandai kalo tawana ŋgua laŋeŋa ŋga. Taine nâ kalo tawana ŋgua laŋeŋa kala iveta kiesaka.

<sup>15</sup> Andeta Maro Kindeni ne pateâŋa ikeno mine tu kinzi taine nâ ma sipaguguanzi lâlu. Ambo nenzi kalo-tawana ilâ pa Yesu Kirisi ikura zo zo, ku siveta vetâŋa soki tonje tia lâ Maro Kindeni nao, ku tininzi mwasa nâ panzi tamâta, ande Maro Kindeni ma iyautenzi piti lâ kondoma ilo.

### 3

*Ngua ilâ panzi tamâta mbâna-mbâna uru sikai poe panzi katonâŋa*

*Titi 1:5-9*

<sup>1</sup> Ngua ŋine nde mao kanaŋo: ambo tamâta tonje ilo tu ikai poe panzi ŋgu nenzi katonâŋa, ande wurâta itu iveta ŋinde nde wurâta ara ndo.

<sup>2</sup> Ambo taitu nanenju ŋgua pinde ilâ pa tamâta ea itu imo mbwananâŋa panzi katonâŋa kâ. Ngua ŋinde nde mine: i ma iveta vetâŋa soki tonje tia; i ma ikai kaiwa taine taitu nâ; i ma ipakatona tamwata sondo ŋana kiesaka kâ; i ma ikai poe sondo pa tamwata ne ilo-kalo; aku i ne vetâŋa rârâni nde ma ara nâ. I ma ikainzi tamâta lombo ku ikatonanzi simo sondo lâ i ne luma ilo; aku i ma isama pâta ŋana ipanananzi tamâta ŋana Maro Kindeni kawa ŋgua kâ.

<sup>3</sup> I ma imo tamâta ŋana inu lââ kaika ku idauda, ande tia; i ma wisi nâna walele ku ipara kunzi tamâta tia; i ma nao mwasa nâ panzi tamâta; aku i ma ilo ŋalae koŋa ŋana igona mbaliŋa kâ, ande tia.

<sup>4</sup> I ma ikatonanzi i tamwata kaiwa-natu sondo, ku ma ipanananzi natu sondo ŋana siloŋo i ne ŋgua ku simege ŋana i kâ.

<sup>5</sup> (Ambo tamâta tonje ikura tu ikatonanzi i kaiwa-natu sondo tia, ande i ma ikura nana ikatonanzi Maro Kindeni ne ngu, ande ma tia.)

<sup>6</sup> Kalo-tawana tamâta wasaseki tonje ikura nana ikai poe panzi katonâna kâ, ande tia. Tia ma i ilo tu i nde tamâta ara ndo, aku ma ipasuka tamwata tini. Aku nana ninde kâ, Maro Kindeni ma io i lâ ngua nia, itogo munja io Sadana lâ ngua nia mine.

<sup>7</sup> Aku katonâna nenzi poe tamâta ma imo tamâta mine: kinzi tamâta simo niaka nana Maro Kindeni ne ngu kâ, ande ma uru siporo ngua ara nâ nana poe tamâta ninde kâ. Nana tu ambo i ma ipakatona tamwata ne vetâna tia, ande kinzi ma siporo ngua sakamao nana i kâ, aku Sadana ne nimbu ma ikai i kaika lâ.

### *Ngua ilâ panzi ngu nenzi katonâna*

<sup>8</sup> Aku mine nâ, nanengu ngua pinde ilâ panzi ngu nenzi katonâna tona. Ngua ninde nde mine: kinzi ma sipakatona warakanzi sondo nana nenzi vetâna kâ; kinzi ma simo togo memelanzi rua tia; kinzi ma sinu lââ kaika ku sidauda tia; aku kinzi ma ilonzi nana sitapa tamâta pinde nenzi mbaliña sañenzi, ande tia.

<sup>9</sup> Kinzi ma kalonzi tawana ngua mao rârâni Maro Kindeni munja itula pwataki ninde, aku ma sipasama lâ warakanzi ilonzi kalonzi tu nenzi soki tonje tia lâ Maro Kindeni nao.

<sup>10</sup> Miki ma kakai samâna panzi nana nenzi vetâna kâ munja lâ nga. Ambo siveta wurâta sondo, ande ma sikura nana sikai katonâna panzi kalo-tawana tamâta.

<sup>11</sup> Aku ŋgua pinde kala ilâ panzi taine nenzi katonâŋa mine nâ. Kinzi ma sipakatona warakanzi ŋana nenzi vetâŋa uru siveta ŋinde kâ; kinzi ma siporo situ tamâta ŋguananzi tia; kinzi ma sipakatona warakanzi sondo ŋana kiesaka kâ, ku ma siveta nenzi wurâta rârâni sondo ndo.

<sup>12</sup> Ŋgu nenzi katonâŋa nde ma imo tamâta mine: ikai kaiwa taine taitu nâ, aku uru ikatonanzi i tamwata kaiwa-natu sondo.

<sup>13</sup> Ambo ŋgu nenzi katonâŋa ma siveta nenzi wurâta ara, ande tamâta ma siporo ŋgua ŋananzi mine tu, “Kinzi nde tamâta ara”. Ŋineŋga katonâŋa ŋinde ma siruru tia ŋana situla nenzi kalo-tawana pwataki tu kinzi kalonzi tawana Yesu Kiriŋi.

### *Ŋgua ŋalae ŋana Yesu Kiriŋi kâ*

<sup>14</sup> Timoti, naŋa ilonŋu tu amâ walele amorano, andeta ara ŋana anŋere ŋgua pinde pano lâ pepa tini tona.

<sup>15</sup> Mine kala, ambo naŋa akura tu amâ walele tia, ande noko ma kusama sondo ŋana vetâŋa arara Maro Kindeni ilo tu i ne tamâta ma siveta ŋinde. Kinda tamo Maro Kindeni Via Tamwata ne tamâta, tatogo i natu wukale mine, aku kinda ŋgu ŋine uru takatona i ne ŋgua mao ku tatula pwataki.

<sup>16</sup> Kinda tasama tu ŋgua mao Maro Kindeni itula pwataki ŋinde nde ŋgua ŋalae tina. Ŋgua ŋinde nde mine: “Kiriŋi indue imâ ipânŋa tâno kulu itogo tamâta mine, aku i ne mandinŋa lâ materŋa nianzi itula pwataki tu i nde Maro Ŋalae. Kinzi anŋelo rârâni nde simora i kilala pwataki,

annga ne kalo-tawana tamâta nde silâ situla i parina panzi tamâta ngu ndoni, annga tamâta rârâ pa tâno ndoni nde kalonzi tawana i. Maro Kindeni ikai i kâki lâ samba ilo, aku imo ikai Maro Njalae.”

## 4

*Ngua lajeŋa kie-kie uru izavaru tamâta ilonzi kalonzi*

<sup>1</sup> Koroani Sapâŋa itula ngua pwataki tu lâ zo muli ŋana tâno ne zo marumbu kê, ande tamâta pinde ma sipile nenzi kalo-tawana. Kinzi ma sipaloŋo pa ngua ŋinde koroani lajeŋa sipanananzi tamâta, ku ma sipono muli pa koroani saka nenzi ngua ŋinde.

<sup>2</sup> Lajeŋa tamwatanzi pinde ma situla ngua lajeŋa panzi kalo-tawana tamâta. Tamâta ŋinde sipayaula warakanzi ilonzi kalonzi marumbu lâ, kala sizizâla tu nenzi vetâŋa nde kiesaka.

<sup>3</sup> Lajeŋa tamwatanzi ŋinde ma situ kaika panzi tamâta tu ma sipakâe kaiwanzi tia, aku ma situ kaika panzi tu ma sika kâpwa pinde tia tona. Andeta Maro Kindeni iveta kâpwa rârâni ŋinde pa kinda tu taka. Kinda kalonda tawana i, aku tapanâna lâ ŋana ngua mao kê. Mine kala kinda takura ŋana takai kâpwa ŋinde, aku taka tava kawânda ndaŋge papa i.

<sup>4</sup> Kinda tasama tu kekeleke rârâni Maro Kindeni muŋga iveta ŋinde nde kekeleke ara nâ. Kinda ma tamora ŋinde tu kekeleke sakamao ndimo. Kinda takura tu kawânda ndaŋge pa Maro Kindeni, ku takai taka,

<sup>5</sup> ɳana tu Maro Kindeni kawa ɳgua tava nenda nonja iveta kelekele rârâni wa kâpwa rârâni wa ipâŋga zuzuli lâ i nao.

*Paulo itu ɳgua pa Timoti tu i ma imo itogo Yesu Kirisi ne wurâta tamâta ara mine*

<sup>6</sup> Timoti, ambo noko ma kutula ɳgua ɳinde pwataki panzi kalo-tawana tamâta, ande noko ma kumo Yesu Kirisi ne wurâta tamâta ara. Kupakatona tamwata ne ilo-kalo sondo, aku kupono muli pa Maro Kindeni ne ɳgua mao tava ne ɳgua ɳinde muŋga sipananano kala uru pwoka muli ɳinde.

<sup>7</sup> Noko ma kupu muli papa usi tapâriŋa kaa nâ tamâta pinde uru sitapâri ɳinde, aku kupanâna sondo ɳana kuveta vetâŋa ara nâ lâ Maro Kindeni nao.

<sup>8</sup> Ambo kinda ilonda tu taveta karaenda ipâŋga kaika, aku tapatogo tininda ikura zo rârâni, ande ɳinde ma ivila kinda ɳalae koŋa tia. Andeta kuloŋo ɳga; ambo kinda ma taveta vetâŋa ara lâ Maro Kindeni nao ikura zo rârâni, ande ɳinde ma ivila kinda ɳalae tina. Vetâŋa ɳinde ikura tu ivila kinda ɳana tamo ara lâ zo ɳine tamo tâno kulu wa lâ zo muli tona.

<sup>9</sup> ɳgua ɳinde nde mao kanaŋo, aku ara ɳana tamâta rârâni ma siloŋo ku kalonzi tawana.

<sup>10</sup> Nanayoni kinda tao nenda kalo-tawana ilâ sondo ndo pa Maro Kindeni, ina Via Tamwata. I ilo tu iyautenzi tamâta rârâni piti lâ kondoma ilo, aku ina uru iveta mine nâ pa kinda tamâta ɳine kalonda tawana i mao. Kinda nenda kalo-tawana keno mine, aku ɳana ɳinde kâ kinda

uru tao tininda papa i ku tamakâsa nana taveta nenda wurâta nîne sondo.

<sup>11</sup> Noko ma kutula ngua ninde pwataki panzi kalo-tawana tamâta, aku kupanananzi tu ma soka muli.

<sup>12</sup> Kinzi uru simora noko tu tamâta lâlu, andeta nana tiningu pwâka tu kinzi ma ilonzi tu noko nde tamâta kaa nâ. Noko ma kuveta mâsi ara nâ, aku kutula nzâla sondo panzi kalo-tawana tamâta. Kutula nzâla panzi nana siporo ngua ara kâ, aku kutula nzâla panzi nana siveta vetâna ara nâ tona. Kutula nzâla panzi nana tininzi mwasa ndo panzi tininzi pinde kâ, aku kutula nzâla panzi nana kalonzi tawana Maro Kindeni kâ tona. Aku kutula nzâla panzi nana sipile vetâna potomule ndoni kâ.

<sup>13</sup> Noko ma pwai wurâta sondo nana kupono Maro Kindeni ne ngua ninde ikeno lâ pepa tini panzi tamâta, aku kutula ngua ninde duvi pwataki panzi wa kupanananzi sondo wa. Kuveta mine lee, ikura lâ zo ndia nana ma amâ apânga amo kuno.

<sup>14</sup> Noko ma kumbariri nana kuveta wurâta ninde kâ ndimo, nana tu Maro Kindeni muŋga walo ilano, itogo wisi-ara nana noko ne wurâta ninde kâ. Iveta mine lâ zo ninde ngu nenzi katonâna situla Maro Kindeni kawa ngua pwataki nana noko kâ, ku sio mbaunzi kâki noko kulu situ nzâmbe pano.

<sup>15</sup> Ikura zo rârâni, noko ma pwatona ne wurâta ninde sondo. Ambo noko ma kuveta wurâta ninde kaika, ande tamâta rârâni ma sisama tu muŋga noko kumo wurâta tamâta ara

mwasa, anga njine kupânnga wurâta tamâta arando.

<sup>16</sup> Kupakatona sondo njana noko tamwata ne vetânga wa ngua ndia kupanananzi tamâta wa. Ambo noko ma kumandi kaika ndo njana kuveta mine, ande noko ma kupavila tamwata, ku ma kuvilanzi tamâta njinde uru siloŋo noko ne ngua mine nâ.

## 5

*Paulo itu ngua pa Timoti tu ma iveta vetânga kie taituni panzi tamâta itogo uru iveta panzi i see mine*

<sup>1</sup> Noko ma kumbitanzi tamâne kokoŋa ndimo. Ambo kinzi ma siveta vetânga soki tonje, ande kuvetanzi sondo ku kuporo ngua mwasa nâ panzi, itogo uru kuveta pa noko tama mine. Aku noko ma kuveta vetânga kie taituni panzi tamâne limoa, itogo uru kuveta panzi noko tamwata taitua mine.

<sup>2</sup> Aku noko ma kuveta vetânga kie taituni panzi taine kokoŋa itogo uru kuveta pa noko tina mine. Aku kuveta vetânga kie taituni panzi taine taipa, itogo uru kuveta panzi noko mwane mine. Noko ma kuveta vetânga potomule panzi taine taipa ndimo.

*Ea ma ikatonanzi taine mwala mwala*

<sup>3</sup> Ambo taine mwala tonje simbo nâ imo, ande ara, kupanananzi ngu njana sivila i ku siveta vetânga rârâni sondo nâ papa.

<sup>4</sup> Andeta kulonjo nga; ambo taine mwala tonje natu-timbu simo, ande ara njana kinzi njinde ma sipanâna sondo njana njine kâ: nenzi wurâta

ɲalae lâ Maro Kindeni nao nde ɲana sikatona warakanzi seenzi sondo muɲga lâ ɲga. Lâ nenzi vetâɲa ɲinde, ande kinzi ma sikatu tinanzi tamanzi wa timbunzi nenzi wurâta kulu panzi, ɲana tu muɲga kokoɲa ɲinde sikatona kinzi mine. Aku nenzi vetâɲa ɲinde ma itula pwataki tu nenzi kalo-tawana nde mao. Maro Kindeni ilo ara ndo ɲana vetâɲa mine kâ.

<sup>5</sup> Ambo taine mwala tonɲe simbo nâ imo, ande ara ɲana ma sikatona taine ɲinde sondo, ɲana tu i kalo tawana Maro Kindeni, aku uru io tini ɲana Maro Kindeni tu ma ikea ɲana i kâ. Aku ikura zo râràni, lâ kari wa mbo wa, i uru ino pa Maro Kindeni ɲana isuka i kâ.

<sup>6</sup> Andeta kuloɲo ɲga; ambo taine mwala tonɲe ilo ɲalae ɲana tâno ɲine ne vetâɲa kâ, kala itambira ne mbaliɲa ku indeka potomule, ande ɲinde itogo i ne kalo-tawana imâte lâ.

<sup>7</sup> Aku noko ma kupanananzi ɲgu tona ɲana sipaveta kuku nanenɲu ɲgua ɲine, ɲana ma simo sondo nâ. Ambo kinzi ma simo sondo mine, ande tamâta tonɲe ma ikura ɲana iporo ɲgua soki ɲananzi, ande tia.

<sup>8</sup> Noko kalo ɲgere sondo ɲga; ambo tamâta tonɲe ikatonanzi i tamwata see wa i see katɲe wa sondo tia, ande ne mâsi ɲinde itula i kilala pwataki tu i ipu muli pa ne kalo-tawana marumbu lâ. Opopo, kinzi tinikoa ɲandai uru siveta vetâɲa soki mine pa seenzi ɲga!

<sup>9</sup> Noko ma kuɲgere taine mwala mwala râràni ɲanzi lâ pepa tini ɲana ɲgu ma sikatonanzi kâ, mine ndimo. Kuɲgere taine mwala ɲine nâ ɲa lâ pepa tini: ipole mbwera tamâta ɲato (60) lâ; i

muᅅga imo kuku kaiwa tamâne simbo nâ;

<sup>10</sup> i muᅅga ikatonanzi natu sondu; i uru isuanzi tamâta lombo soka lawea pinde simâ; i uru ikai kuleᅅa panzi kalo-tawana tamâta ᅅana ipua kenzi kâ; i uru ivilanzi tini pinde ᅅana nenzi malia kâ; aku i uru ilo ndo ᅅana iveta vetâᅅa ara pinde tona. Ambo tamâta uru situla taine koᅅa tonᅅe parina tu i nde taine ᅅana iveta vetâᅅa ara mine kâ, ande ara, noko ma kuᅅgere taine ᅅinde ᅅa lâ pepa tini ᅅana ᅅgu ma sikatona kâ.

<sup>11</sup> Andeta noko ma kuᅅgere kinzi taine taipa simo mwala ᅅinde ᅅanzi lâ pepa ᅅinde tini ndimo. ᅅana tu muli kinzi ma ilonzi kâki ᅅana sikâe kilo, aku ma sipu mulinzi pa Yesu Kiriᅅi.

<sup>12</sup> Mine nde muli Maro Kindeni ma ipare nia panzi, ᅅana tu sitoto nenzi ᅅgua pâᅅa utu lâ. \*

<sup>13</sup> Andeta ᅅinde nâ tia; kinzi taine taipa simo mwala ᅅinde uru sikai wulitia tona, aku soka potomule silâ pa luma pinde. Andeta kinzi uru sikai wulitia nâ tia; kinzi ilonzi koᅅa ᅅana situ tamâta ᅅguananzi tona, aku sipete silâ wa simâ wa, siporo ᅅgua nao-muli wa ᅅgua ara tia wa.

<sup>14</sup> Mine kala naᅅa ilonᅅu tu taine taipa simo mwala ᅅinde ma sipakâe kilo, aku ma sikainzi nenzi vâsa ku sikatona warakanzi nenzi luma. Ambo siveta mine, ande ara, kazâᅅa tamâta tonᅅe ma ikura ᅅana imora nenzi vetâᅅa soki tonᅅe ku iporo ᅅgua potomule ᅅana kinda kalo-tawana tamâta kâ, ande ma tia.

---

\* **5:12** 12 Nenzi mâsi nde mine; lâ zo ndia taine mwala tonᅅe isâu panzi katonâᅅa tu ma singere i ᅅa lâ pepa tini ᅅana ᅅgu ma sikatona, ande taine ᅅinde ipa ᅅgua kaika tu ma ikâe kilo tia.

<sup>15</sup> Noko kusama tu taine taipa pinde kaiwanzi simâte lâ, aku sipile nenzi kalo-tawana ku sipono muli pa Sadana.

<sup>16</sup> Ambo taine mwala tonge tina tâku tai tâku nitâpi tâ nde kalo-tawana taine, aku taine ñinde uru imo kuku, ande ara ñana kalo-tawana taine ñinde ma ikatona taine mwala ñinde. Ambo iveta mine, ande ma kalo-tawana tamâta ñgu nenzi malia ñana sikatona taine mwala ñinde kâ, ande ma tia. Ñinenğa ñgu ma ikura tu ikatonanzi taine mwala mwala ñinde simo simbonzi nâ.

*Kinda ma kulu talanzi katonâņa ea uru siveta wurâta ara*

<sup>17</sup> Ara ñana kalo-tawana tamâta ñgu ma kulu ara silanzi katonâņa ea uru siveta nenzi wurâta ara nâ. Aku ara ñana kulu ñinde ma kâki panzi katonâņa ñinde uru situla Maro Kindeni ne ñgua ku sipanananzi tamâta ñana Maro Kindeni ne ilo-kalo.

<sup>18</sup> Ñana tu Maro Kindeni kawa ñgua ikeno lâ pepa tini mine tu, “Miki ma kaponu bulmakao kawa lâ zo ñana ikai wurâta ñana ipopo kaniņa karae piti, mine ndimo”. † Aku ñgua pinde kala keno mine tu, “Wurâta tamâta ma ikai ne kulu”.

<sup>19</sup> Ambo tamâta taitu nâ iporo ñgua tu, “Katonâņa ñinde nde iveta vetâņa soki”, ande noko ma kalo tawana i ne ñgua ndimo. Taitu kuloņo ñga; ambo tamâta rua wa ñato siporo ñgua mine, ande ara, kuloņo nenzi ñgua sondu.

---

† **5:18** 18 Lâ zo ñana bulmakao siveta wurâta ñinde, ande nenzi katonâņa tamâta sisâu panzi tu sika kaniņa pinde. Tia ma putole ipunzi, ku ma siveta wurâta ara tia.

<sup>20</sup> Ambo katonâŋa tonje iveta kiesaka, ande ara ŋana noko ma kulelea i ku kuveta ne ŋgua sondo lâ kalo-tawana tamâta ndoni naonzi, ŋana kinzi pinde ma siruru ŋana siveta kiesaka mine kâ.

*Paulo itu ŋgua pa Timoti tu ma ipakatona sondo ŋana i tamwata ne vetâŋa kâ*

<sup>21</sup> Lâ Maro Kindeni nao, anga lâ Yesu Kirisi nao, anga lâ kinzi anjelo naonzi, naŋa aporo ŋgua kaika pano mine tu noko ma kupaveta kuku ŋgua tukuŋa ŋine. Noko ma kuveta vetâŋa kie taituni panzi tamâta rârâni. Noko ma kuveta vetâŋa tonje panzi tamâta ŋalaŋala wa ninambwe wa, anga kuveta vetâŋa tonje panzi tamâta pinde, mine ndimo.

<sup>22</sup> Aku noko ma walele nâ kuo mbau lâ tamâta kulunzi ŋana itula pwataki tu Maro Kindeni ipateanzi ŋana siveta wurâta papa i kâ, mine ndimo. Ambo noko kutu nzâmbe pa tamâta tonje, andeta muli iveta kiesaka, ande ne kiesaka ŋinde ma imâ iloko lâ noko tini, aku ŋinde ma ara tia ndo. Kupakatona tamwata sondo, ŋana ma kumo mbâra-mbâra lâ Maro Kindeni nao.

<sup>23</sup> Naŋa ilonju tu noko ma kupile ne vetâŋa ŋana kunu lââ kaa nâ. Ara ŋana noko ma kunu lââ waini nuŋa mwata tona, ŋana tu ŋinde ma isukano ŋana pukonja kie-kie ŋinde uru ikeno pano ku iyaula noko kapwa.

<sup>24</sup> Tamâta pinde nenzi kiesaka nde ikeno nia yo, aku nenzi kiesaka ŋinde nde ilâ pa Maro Kindeni ne ŋgua nia imuŋga panzi. Anga tamâta pinde nenzi kiesaka nde ikeno paveâŋa

nâ, andeta muli nga nenzi kiesaka njinde ma ipângga nia yo.

<sup>25</sup> Aku mine nâ, tamâta nenzi vetâña ara uru ipângga nia yo. Ambo tamâta pinde nenzi vetâña ara ipângga nia yo walele tia, ande vetâña ara njinde ma ikura tu ipavea zo rârâni kê, ande tia.

## 6

*Paulo injere ngua panzi tamâta uru siveta wurâta koa tia nâ panzi tamâta njalajala*

<sup>1</sup> Kalo-tawana tamâta pinde uru sikai wurâta koa tia nâ panzi tamâta njalajala. Aku naja aporo ngua ilâ pa kinzi njinde mine tu ara jana ma simege jana nenzi koipu ku simo kalonzi. Ambo siveta mine, ande nenzi koipu ma sikura tu siporo ngua potomule jana Maro Kindeni wa nenda kalo-tawana wa, ande ma tia.

<sup>2</sup> Ambo wurâta tamâta kaa nâ tonje ne tamâta njalae nde kalo-tawana tamâta, ande wurâta tamâta njinde ma ilo mine tu, “Njine nde niŋgu-nambwe nâ; mine nde kalo loko, naja ma avaligi i ne ngua”, mine ndimo. Ara jana i ma ilo keno mine, “Tamâta njine kala aveta wurâta papa jana asuka i kê, i nde niŋgu-nambwe kalo-tawana tamâta; mine kala naja ma tiniŋgu mwasa ndo papa i”. Ambo wurâta tamâta ilo keno mine, ande i ma iveta wurâta ara ndo papa. Noko ma kupanananzi ku kuporo ngua kaika panzi mine.

*Vetâña jana ilonda njalae pa mbaliña kê, ande vetâña sakamao rârâni duvi*

<sup>3</sup> Nenda Maro Njalae Yesu Kirisi ne ngua mao nde uru ipanana kinda rârâni sondo nana Maro Kindeni ne ilo-kalo kâ. Ambo tamâta tonje ipile ngua ninde, aku ipanananzi tamâta nana ngua lajeja pinde,

<sup>4</sup> ande tamâta ninde ipasuka tamwata tini nâ. I taña kaika nâ, aku isama sâ tonje tia. I ilo njalae koja nana ipawa ngua kunzi tamâta kâ. Aku vetâja ninde uru iyaulanzi tamâta ilonzi kalonzi, kala sipadâda wa sipara wa situ tamâta nguananzi wa ilonzi sakamao nananzi tamâta pinde wa

<sup>5</sup> sipawa ngua njalae wa. Kinzi tamâta ninde nde kapa ndo, aku sisama ngua mao tonje tia ndo. Kinzi ilonzi tu nenzi kalo-tawana ma isukanzi tu sipânga simo mbaliña warakanzi.

<sup>6</sup> Andeta tia. Mao nâ, ambo kinda tapaveta kuku vetâja ndia Maro Kindeni ilo papa ninde, ande kinda ma ilonda yosi nana mbaliña kâ, ande tia. Ambo kinda tamo mine, ande ninde itogo kinda tamo mbaliña warakânda mine.

<sup>7</sup> Kinda tasama tu lâ zo nana tinânda sipagugua kinda tapânga tâno kulu, ande kinda tapânga tava tininda kaa nâ. Aku lâ zo nana tamâte, ande kinda ma takai kelekele tonje iyoka ku kinda, ande tia.

<sup>8</sup> Mine kala, ambo kâpwa nga lalava ikeno pa kinda, ande ara, kinda ma tandeka ku taporo tu, “Njine nde ikurana”.

<sup>9</sup> Anja tamâta ea ilonzi tu sigona mbaliña rârâ, ande samâja uru ipânga panzi ku ikainzi kaika, itogo nimbu ikai ngoa mine. Aku ilonzi igagatinzi nana siveta vetâja soki rârâ. Aku

ņinde iveta ilonzi kalonzi ipâņga kapa ndo, kala sipayaula warakanzi ku simo sakamao ndo.

<sup>10</sup> Ņana tu vetâņa űana ilonda űalae pa mbaliņa kâ, ande űinde nde vetâņa sakamao rârâni duvi. Muņga tamâta pinde ilonzi űalae ndo pa mbaliņa kâ, aku ilo-kalo űinde izavarunzi ndo lâ. Mine kala sipile nenzi kalo tawana, aku sisânda malia űalae tina kulu.

*Ara űana kinda ma tamandi kaika ku takai via mao*

<sup>11</sup> Aņga noko nde Maro Kindeni ne wurâta tamâta. Mine kala ara űana noko ma kupu muli pa vetâņa sakamao kie-kie űinde, aku tini piti ndo űana. Kumandi kaika ku kuveta vetâņa rârâni Maro Kindeni ilo tu ma taveta. Noko ma kuveta vetâņa arara nâ, ikura kinzi kalotawana tamâta mao uru siveta mine. Kuo ne kalo-tawana ilâ sondo ndo pa Yesu Kirisi, aku tini mwasa nâ panzi tini pinde. Noko ma pwai wulitia űana ne wurâta kâ ndimo. Noko ma nao mwasa nâ panzi tamâta.

<sup>12</sup> Kinzi tamâta űana sipalilu sipopole kâ nde uru sipalilu kaika nâ. Aku mine nâ, ara űana noko ma kupalilu kaika űana pwai ne via mao űana ma kumo ara mine ku kumo nâ. Muņgani, lâ zo űinde noko kumandi ku kutula ne kalotawana pwataki lâ tamâta rârâ naonzi, ande lâ zoni ndaina Maro Kindeni isarâwa pano tu pwai via űinde.

<sup>13</sup> Naņa aporo űgua kaika pano lâ Maro Kindeni Via Warika nao, aņga lâ Yesu Kirisi nao, ina muņga imandi kaika lâ Pontius Pilata nao

ku itula ne kalo-tawana pwataki. Nanenġu ngua nde mine;

<sup>14</sup> Noko ma pwoka tukuġa ġine muli. Ambo noko ma kumo sondo mine, ne soki tonġe tia, ande tamâta tonġe ma ikura ġana iporo ngua sakamao tonġe ġanano, ande tia. Noko ma kumo mine lee, ikura lâ zo muli ġinde nenda Maro Nġalae Yesu Kirisi ma itaulo imâ kilo.

<sup>15</sup> Yesu Kirisi ma ipâġga lâ zo tonġe nia ndoyo Maro Kindeni ipatea papa keno lâ. Kinda nenda paneâġa wa ndekâġa wa ilâ pa Maro Kindeni. I simbo nâ ikai Maro panzi tamâta rârâni lâ tâno ndoni. Imo Koipu Nġalae panzi koipu ġalaġala rârâni, aku imo Maro Nġalae panzi maro rârâni.

<sup>16</sup> Maro Kindeni simbo nâ ikura ġana imâte tia. I imo sinâla ġalae ilo, aku tamâta tonġe ikura ġana ilâ i tini laiti kâ, ande tia. Tamâta tonġe muġga imora i nao, ande tia, aku tamâta tonġe ikura ġana imora i nao kâ, ande tia. Ikura zo zo, nenda paneâġa ilâ papa i simbo nâ. I nde Walo Tamwata, uru imo mine ku imo nâ. Mao.

*Paulo ipainzi mbaliġa warakanzi tu ma kalonzi tawana Maro Kindeni ku sivilanzi tininzi pinde*

<sup>17</sup> Noko ma kuporo ngua kaika panzi tamâta simo mbaliġa warakanzi lâ tâno ġine kulu tu kinzi ma sipasuka warakanzi ġanzi kâki ndimo. Aku kupainzi tu ma sio nenzi kalo-tawana ilâ pa kelekele uru nao tia walele nâ, mine ndimo. Kupro ngua kaika panzi tu ma kalonzi tawana Maro Kindeni mao nâ, ġana tu i uru kelekele

arara kie-kie ilua kinda nana takai ku tandeka kâ.

<sup>18</sup> Noko ma kupainzi tu ma siveta vetâna arara kie-kie nana sivilanzi tininzi pinde kâ. Nenzi vetâna ara ninde nâ nde itogo nenzi mbaliña mao. Ara nana kinzi ma sindeka nana kelekele râra silanzi sugorai tamwatanzi.

<sup>19</sup> Ambo kinzi ma siveta vetâna mine, ande ninde itogo sigona mbaliña râra nana isuka warakanzi lâ zo muli. Mine kala kinzi ma sikura tu sisaña via mao kaika.

*Paulo itu ngua kulu pa Timoti tu ma ikatona ne wurâta sondo*

<sup>20</sup> Timoti, Maro Kindeni munnga ipatea wurâta ninde pano. Mine nde ara nana noko ma pwatona wurâta ninde sondo. Ambo ngua tonje iyoke Maro Kindeni kawa ngua tia, ande kupu muli pa ngua lajeña potomule ninde. Ambo tamâta kapa pinde ma situla ngua lajeña ku siporo tu, “Ñine nde ilo-kalo ara”, ande noko ma kupu muli papa ngua ninde tona.

<sup>21</sup> Munnga tamâta pinde kalonzi tawana Yesu Kirisi, andeta muli, ninenga sipile nenzi kalotawana ku sipono muli pa ilo-kalo soki ninde.

Maro Kindeni ne wisi-wisi imo kumi.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 18 Apr 2025 from source files dated 31 Aug 2023

b3b81168-89df-5bc3-8b0c-cf72ef93d3de